

# Årsmelding 2023

Fylkestingsgruppa Vestland SV



4.februar 2024, Alexander Papas, Marianne Sæhle, Marthe Hammer, Åsmund Berthelsen og Hege Lothe

## Nytt val og framleis i fleirtal

Det viktigaste som skjedde i 2023 var at det var fylkestingsval. I valet fekk Vestland SV 7,8, opp 1,5 %, som er dobbelt så mykje som framgangen for fylkestingsvalet for SV på landsplan. For Hordaland og Vestland er dette tredje val på rad med framgang. Valet ga oss eit ekstra mandat i fylkestinget.

Vestland SV sitt mål i valkampen var å sikre eit fleirtal der høgre ikkje hadde makta i fylket. Det klarte vi. Valresultatet gjorde at den styrande koalisjonen beståande av SV, Ap, Sp, MDG, V og KrF framleis hadde fleirtal, om enn, med berre eitt mandat overvekt. På valnatta vart ein samd om å forhandle for å kunne styre vidare i nye fire år. Etter dagar med forhandling vart ein einig både om politikk og posisjonar.

Dette er tredje perioden SV sit i fleirtal i fylket (i alle fall om ein reknar med utgangspunkt i gamle Hordaland) og SV er tredje største parti i koalisjonen. Det gir oss posisjonar og forhandlingsmakt. SV har også mellom dei mest erfarne representantane i fylkestinget og i koalisjonen, og vert lagt merke til og lytta til, og i det daglege arbeidet får vi gjennom mykje god SV politikk - og blokkerer mykje dårleg høgropolitikk.

Samarbeidsplattforma som ein styrer på kan lesast her<sup>1</sup>. SV sin nye representasjon i folkevalde organ, og i styrer, råd og utval er vist i Tabell 1 og i Tabell 2, mens SV sin representasjon i det gamle fylkestinget er vist i Tabell 3 og Tabell 4.



Figur 1: Pressekonferanse i Vestlandshuset etter at vi hadde komme til einighet med Ap, Sp, KrF, V og MdG å fortsette å styre Vestland i fire nye år.

## Politisk arbeid

### Hovudutval for opplæring og kompetanse

For fyrste gong har SV leiaren i eit utval. I forhandlingane fekk SV leiaren i utval for opplæring og kompetanse, og med Åsmund Berthelsen har vi fått ein svært erfaren og kunnskapsrik leiar. I førre periode var Åsmund nestleiar, no er det KrF som har dette vervet. Koalisjonen arbeidde godt saman i heile førre periode og dette gode arbeidet held fram. MDG har ikkje medlem i utvalet og møter førebels ikkje i desse møta. Koalisjonen arbeider med grunnlag i den politiske plattforma til samarbeidspartia.

**Inntaksmodellen:** Inntaksmodellen som vart innført i førre periode gjer at elevane i eit inntaksområde får inntakspoeng som sikrar at

<sup>1</sup> <https://vestland.sv.no/2023/09/13/fire-nye-ar-i-vestland/>

dei kjem inn på nærskulen om det er det dei vil – og som har det tilbodet dei søker. Særleg Høgre markerer seg framleis imot denne, og gjorde det til ei hovudsak i valkampen, mellom anna med feilaktige påstandar om kor mange som får oppfylt fyrstevalet sitt til vidaregåande skule. Dette vart tilbakevist fleire gonger i valkampen. Det er dimensjoneringa som er hovudårsaka, og at det er eit par skular som er svært populære og mange har det som fyrstevalet sitt. Det er viktig at elevane får oppfylt sine ynskje, men dei vidaregåande skulane har også som oppgåve å utdanne til nærings- og arbeidsliv. Det gløymer Høgre i sin argumentasjon for det såkalla «frie» valet. SV må arbeide for at også elevane i inntaksområdet stor-Bergen kan få gå på nærskulen. Men vi har førebels svært få med oss på det, og må jobbe vidare med det.



*Figur 2: Åsmund Berthelsen vert vald som utvalsleiar i konstituerande fylkesting*

#### **Nesten full semje om tilboda**

I Hovudutvalet var det full semje om utlysing av tilbodet for 2023/2024 og også om justeringa av tilbodet og inntaket hausten 2023 gjekk utan dei store diskusjonane. I samband med vedtak om utlysing av tilbodet for skuleåret 2024/2025 var det ynskje frå elevar og skular om å opprette ein del tilbod der det i utgangspunktet var lite elevgrunnlag og som eit konkurrerande tilbod til tilbod på andre skular. Det som fekk mest medieomtale var påbyggetilbodet i indre Sogn som var foreslått å legge til Årdal vgs. Sogndal med ordføraren spissen meinte det også burde lysast ut i Sogndal. Forslag om det i utvalet vart nedstemt.

**Oppfylling:** I Vestland er det nesten 1000 klassar ved dei 42 vidaregåande skulane – og etter inntaket for skuleåret 2023/24 er det om lag 2000 ledige plassar. Det vil seie 2 ledige pr. klasse, men med store variasjonar. Over 1000 av dei ledige plassane er i Bergensområdet. Så dette har ikkje berre å gjere med sinkande folketal og elevtal i store delar av fylket. Fylket har eit mål om 85% oppfylling i klassane, men det er ikkje mogleg fullt ut, om vi skal ha eit breitt og variert tilbodet i heile fylket. Ein har byrja å sjå på økonomien knytt til klassar med låg oppfylling og trekt inn att ein del midlar. Men for SV er det viktig å halde på klassefinansiering og ikkje stykkprisfinansiering. Høgre meiner det er store summar å spare på å fylle opp klassar, men med dei summane partiet vil spare, vil det vere fare for at skular vert lagt ned. Samstundes går partiet inn for å opprette endå fleire klassar, mellom anna eit 2-årig tilbod på studiespesialisering.

#### **Tilbodsstruktur**

Arbeidet med gjennomgang av tilbodsstrukturen vart sett i gang ganske tidleg i 2023, og no er det vedteke mandat og prinsipp for vurderingane med endeleg handsaming på fylkestinget i oktober. Fleire viktige prinsipp ligg i botnen for gjennomgangen, fremje inkludering og mangfald mellom elevane og skulane, og sikre eit pedagogisk og sosialt godt tilbod til alle elevar. I botn ligg det også at ein skal halde på den desentraliserte strukturen, og det skal sikrast at flest mogleg vg1elevar skal sleppe ein ufriviljig lang reiseveg.

Elevtalsutviklinga er ulik i fylket. Medan elevtalet stig i Bergens-området opplever fleire kommunar sterkt nedgang i elevtalet. Noko som ser ut til å forsterke seg dei neste fire åra. Det enklaste og därlegaste vegen å gå er å legge ned skular. Her må ein sjå på nye modellar for å drive vidaregåande skule. Det er viktig med samarbeid mellom skulane og mellom ungdomsskule og vidaregåande skule for å sikre at ein del mindre skular får eit tilbod som elevane ynskjer – og som gjer skulen liv laga. Nettskulen vil også vere eit viktig supplement. Denne gjennomgangen og ein ny plan for tilboda vil vere den viktigaste saka for hovudutvalet det første året i perioden.

**Viktige miljøtiltak:** Alle dei vidaregåande skulane har no miljøkoordinatorar og alle skulane skal ha tilbod om skulefrokost. Dette er viktige tiltak for eit godt skulemiljø. Det har ei god stund vore signal om at mange ikkje trivst på skulen og mange har därleg psykisk helse. Ungdata-undersøking for perioden 2013-2021 synte dette. Siste kvalitetsmelding for Vestland synte at fråveret mellom elevane har gått opp, og fullføringsprosenten gjekk ned siste året. Vestland fylkeskommune har ein

temaplan med auka fulløring som mål. Gjennom å lege vekt på både trivsel, inkludering, motivasjon og meistring skal ein oppnå læring/utvikling. Med grunnlag i templanen vert det kvart år vedteke eit handlingsprogram med vekt på nokre tema. Det har siste året vore tilrettelagt opplæring og overgangar. Særleg mellom ungdomsskule og vidaregåande skule er det fleire ungdommar som dett i mellom. Det må satsast vidare på å få fleire til å fullføre! Det er for mange unge som ikkje er ein del av samfunns- og arbeidslivet-


## Hovudutval for samferdsle og mobilitet

**Sykkel** Det aller viktigaste som skjedde i 2023 var at verdas lengste sykkeltunnell til Fyllingsdalen opna. Med det har ein brytt fleire tiårs politikk i Bergen der ein konsekvent har lagt til rette for at den raskaste måten å komme seg til byen er å bruke bilen gjennom ein ny fin tunnell. Ein har også mast for å få ferdigstilt planar for sykkelveg på fylkesveg, spesielt i Bergensområdet.

**Kollektiv:** Etter år med reduksjon i kollektivtrafikken på grunn av korona er det svært gledeleg å sjå at kollektivtrafikken, spesielt i Bergensområdet, endeleg er over 2019. Dette viser at det har vore riktig å oppretthalde tilbodet gjennom pandemien og ikkje kutte sjølv om inntektene ikkje er heilt på ønska nivå. Eitt av grepene mot dyrtid i budsjettet for 2023 var å ikkje auke kollektivprisane, som har gjort at inntektane har blitt mindre enn ønska. Ein må ikkje gløyme at ein har mista år med auke i kollektivtrafikken, og at det derfor er viktig å legge til rette for vidare vekst. Diverre er trafikkveksten stor, og derfor er det naudsynt med meir kollektivtrafikk i kombinasjon med trafikkreduserande tiltak i byområdet. Ein hadde ambisjon om auke i busstilbodet, men

2023 var det kraftig mangel på bussjåførar, og derfor har ein vore nøydd til å sette inn tiltak for å få opp rekrutteringa, før ein kan auke avgangar og sette inn fleire bussar.

Vestland og Bergen har også funne løysingar på dei mange motsegna som fylket hadde til bybanetraseen slik at reguleringsplanen for bybanen til Åsane vart vedteken i bystyret i Bergen i juni 2023. Både administrasjon og fleirtalet støtter trase over Bryggen. Diverre ser det likevel svært mørkt ut med det nye fleirtalet i Bergen og løftebrotet frå Høgre om å ikkje ta omkamp om Bryggen.



Figur 3: Verdens lengste sykkeltunnell opna i april 2023, denne er bygd og drifta av Vestland fylkeskommune.

#### Nasjonal Transportplan (RTP):

Fylkestinget leverte høyringsfråsegn til NTP i fylkestinget i juni. Der har SV vore saman med eit stort fleirtal som seier at ny veg og jernbane Arna- Stanghelle og bybanen er dei viktigaste prosjekta, og at behovet for rassikringstiltak både på riksveg og fylkesveg er kritisk for Vestland. Og kampen mot Hordfast held fram, diverre i mindretal, berre SV FNB og nokon frå V valde å stemme i mot

det prosjektet. Sp, Ap og H og Frp fann saman om å prioritere Hordfast inn i første seksårsperiode.

**Heilevang:** Vedtaka frå Regional Transportplan har vore satt i verk i 2023, deriblant har ein starta arbeidet med utbetring av rassikker og trygg veg på Heilevang.

**Snøggbåtanbod:** Anboden for hurtigbåtar mellom Bergen og Nordfjord og Bergen og Sogn har vore oppe til behandling gjennom heile perioden, og tidleg på året vart det lyst ut. Derimot like før jul vart anboden trekt, fordi regjeringa i sine signal var så utydelege på at fylke som allereie hadde lyst ut anbod IKKJE ville få kompensert meirkostnadane med å krevje nullutslepp. Så anboden er utsett til juni 2024, i påvente av føreseielege rammevilkår for finansiering av denne overgangen til sjøs.

#### Utval for næring, naturressurs og innovasjon

Året starta, som det førre slutta, med behandling av diverse temaplanar, som temaplan for landbruk, temaplan reiseliv, temaplan breiband og digitalisering, og regional plan for fornybar energi. Utval for Næringsutvikling, dei fleste via Innovasjon Norge og SIVA.

Også 2023 blei eit krevjande år når det gjaldt diskusjonen om vasskraft, både innunder vassforvaltningsplanen og planen for fornybar energi, her er samarbeidsplattforma ikkje tydeleg nok. Fornyarplanen vart utsett til etter valet, og når det gjeld vasskraftutbyggingar så går SP ofte saman med H og FRP og sikrar fleirtal som kan peike i retning av meir utbygging av vasskraft. I dei fleste tilfelle vert det fellesvedtak frå utvalet, men i enkelte saker leverte SV forslag saman med MDG. Disse fekk sjeldan støtte,

men vi valde likevel å markere våre standpunkt, spesielt når det kom til naturvern. Utvalet fortsatte det gode arbeidet med breibanddekninga.

Etter valet fortsette vi i posisjon. Marianne gjekk ut av utvalet og over i Opplæring, og Hege Lothe ble vår nye representant i utvalet. Etter fylkestingsvalet har ikkje samarbeidspartia fleirtal i utvalet.

Den første store saka for utvalet var Temaplan for fornybar energi. Også der braut Sp med koalisjonen og i utgangspunktet sikra seg fleirtal med H, Frp og INP og Bergenslisten om auka vasskraftutbygging mot å redusere ambisjonsnivået for vindkraft. Men på opplopet i fylkestinget klarte vi å snu INP slik at vi unngikk stor auke i ambisjonsnivå i utbygging av vasskraft, og også talfesta utbyggingsnivå på vindkraft på land.

### **Hovudutval for kultur, idrett og inkludering**

Det har vore og er framleis ein felles arbeidskultur i hovudutvalet, og dei aller fleste vedtaka er samråystes. SV har eigne fraksjonsmøte i forkant av møta i hovudutvalet, i tillegg til faste møte med representantane for samarbeidspartia.

Før valet var Symphorien Pombe vår representant i hovudutvalet, medan leiar var Stian Davies frå Arbeidarpartiet. Etter valet er Alexander Papas vår nye representant, medan ny leiar er Jacob Nødseth frå Venstre. Som følgje av valet har mykje av fokuset og arbeidet i dei første møta handla om å komma inn i dei områda og felta som hovudutvalet har ansvaret for. Samarbeidspartia har også blitt einige om korleis me saman vil arbeida i utvalet, og korleis me vil setja retning for å nå dei måla som er nedfelte i samarbeidsplattforma for perioden 2023-2027.

### **Om arbeidet i 2023**

Ei av dei viktigaste oppgåvene til utvalet, er å fordela midlar igjennom tilskotsordningar. Sakene er alltid gjort godt greie for frå administrasjonen. Tilskotsordningane femnar breitt innanfor kultur, kulturformidling, kulturarv, kulturminne, museum, idrett, frivillighet, folkehelse, inkludering og integrering. Sjølv om hovudutvalet i stor grad røyster for administrasjonen sine framlegg med mindre endringar, har det i enkelte saker vore gjort større endringar i sjølve møtet. For SV har det vore viktig å understreka viktigeita av administrasjonen sitt arbeid, samstundes som me ved slike endringar i stor grad har villa skåna tiltak retta mot barn, unge og minoritetar frå kutt.

To saker har vore særleg sentrale i 2023. Den første saka var regional plan for kultur, idrett og frivillighet 2023-2035. Gjennom å arbeida fram og vedta denne planen, har fylkeskommunen no eit solid mandat i arbeidet sitt på desse områda i dei kommande åra. Planen er omfattande, set retning og peikar ut prioriteringar i korleis me vil styrkja kultur, idrett og frivillighet i Vestland på kort og lang sikt. Den andre saka har vore reguleringsplanen for Bybanen til Åsane med vekt på kulturminne og kulturvern, og som ende med positive vedtak både i hovudutvalet og fylkestinget.

I arbeidet med fylkesbudsjettet for 2024 har det vore særleg viktig for SV sin representant å løfta fram nytt fellesmagasin for musea, støtta til skeive organisasjonar, helsehjelp for papirlause, Robin Hood-huset og Raftostiftinga.

Dei folkevalde i dette hovudutvalet får ofte invitasjonar til ulike hendingar, møte og treffpunkt. SV sine representantar har etter beste evne prioritert å kunna vera med på så mykje som mogleg. Symphorien Pombe har delteke på ei rekke demonstrasjonar (i og utanfor fylket), Yemanedagen, Folkeakademiet sitt årsmøte, opninga av Vestlandshuset og fleire kulturfestar på ulike slag. Alexander Papas har delteke på møte med dei skeive organisasjonane i Vestland, Skeivt Arkiv, litteraturhuset Epos,

Kulturkonferansen og Konferanse om papirlause i Vestland, i tillegg til fleire markeringar og demonstrasjonar.

### Fylkesutvalet

#### Tannhelse

Den offentlege tannhelsetenesta ligg i fylkeskommunen, og i 2023 har vore året der rabatt til 21- og 22 åringane, og også 23- 24 åringane har blitt gjennomført, dog på ulikt vis. Marthe har også hatt interpellasjon om å styrke den fylkeskommunale tannhelsetenesta først, for å unngå profitt i velferda som følgje av ein tannhelserefom utan regulering. Den skapte stort engasjement frå høgresida, men ingen frå Ap eller Sp tok ordet i debatten, og det seier kanskje sitt om kor interessert desse partia eigentleg er i ei tannhelsereform.

For SV er det avgjerande at ei tannhelsereform styrkar den offentlege tannhelsetenesta, både for å sikre dei som treng tannhelse skal få det, men også for å hindre profitt i velferden. Derfor var det svært overraskande at det i valkampen vart kjent at fylkesdirektøren hadde sendt tilbodet til 21 - 24 åringane ut på anbod. Dette er stikk i strid med politiske signal om at milliardane til ei tannhelsereform må kanaliserast til oppbygging av den offentlege tannhelsetenesta i fylkeskommunen. SV fekk stoppa det i valkampen. I etterkant av valet har vi gått med på at fylkesdirektøren har samme fullmakter til å sikre eit tilbod til 21 – 24 åringane som for alle andre offentlege grupper, men med tydelege signal om å bygge opp den offentlege tannhelsetenesta. Ein har også bedt om at ein går i dialog med SAMAN om f.eks. verksemどoverdraging. Ein har også fulgt opp forslag om å permanent legge ned tannklinik i distriktet, slik som tannklinikken Rosendal. I valkampen hadde ein også utspel om behovet for gratis kjeveortopedi og pilot med dette i offentleg sektor.

Fylkesutvalet har også i 2023 hatt ei rekke høyningsfråsegn til kommunane sine arealplanar og samfunnsdel, samt nasjonale høyningar til behandling. Som utgangspunkt tek vi da kontakt med gruppeleiar i lokallaget, eller leiar i lokallaget for å høyre kva SV i kommunen meiner om innstillinga frå fylkeskommunen. Ofte har administrasjonen motsagn til både areal, naturvern, kulturminner og anna, som dei andre partia gjerne vil fjerne, men kor SV ofte vert ståande i mindretal bak adminstrasjonen sitt framlegg.

Avslutning av gammel fylkestingsperioden, saker viktig for vårsesjonen, Ntp og papirlause, årsdisponeringen.

**KS:** Over fleire år har SV levert framlegg til KS sitt tariffnotat når det har vore til behandling i fylkesutvalet. I etterkant av lærarstreiken hausten 2022 var det ekstra merksemd på formuleringane frå fylkesutvalets handsaming og i år fekk vi i allefall ei politisk behandla og skrive fråsegn, der SV var med å jobba fram formuleringar.

### Fylkestinget

**Fylkesordførarens tale og generaldebatt:**  
Fylkestinget opnar alltid med fylkesordførarens tale og SV har vore aktiv i debatten. I mars diskuterte ein formueskatt og oppdrettskatt, og om det var ein vestland fiendtlig forslag om auka skattlegging frå regjeringa. På sommartinget i Loen holdt Marianne et innlegg til støtte for Sirwan, som blei sendt ut av Norge etter 18 år. På Austevoll sitter det nå to små gutter som er frarøvet kontakten med sin far. Innlegget var en oppfølging av støttemarkeringen som ble holdt på Torgalmenningen i Bergen, i mai. Innlegget ble filmet og etterpå lagt ut på sosiale medier. Det fikk enorme respons, inkludert en varm takk frå Sirwan. Saken har

dessverre ikkje fått en ny løysing, men vi held kontakten med både Sirwan og familien her på Austevoll, og gir ikkje opp før familien er gjenforent.

### Interpellasjonar

- Bekymring for sjukehusa i Vestland Marianne Sæhle (desember)
- Styrk den offentlege tannhelsetenesta fyrst – Marthe Hammer (mars)
- Kollektivprisar der toget er tilbodet - Marthe Hammer (juni)

### Spørsmål i fylkestinget

- Programvare på nynorsk – Hege Lothe (november)
- Markering av Jon Fosses Nobelpriis – Hege Lothe (november)

I tillegg kjem ei rekke spørsmål i utvala.

### Reglementet for økonomisk godtgjersle

Ei stor og viktig sak er økonomisk godtgjersle til dei folkevalde. For SV har det vore viktig å hindre auke i politikargodtgjeringane, og aller helst redusere dei. Sjølv om vi ikkje fekk fleirtal for å redusere satsen så mykje som ein skulle ønska, så reduserte ein faktisk satsen for godtgjeringane. Ein trudde også at ein hadde lagt inn ein klausul som skulle hindre at ikkje politikarar i fylkestinget som også heva full godtgjering som for eksempel ordførarar i kommunen, skulle bli dobbelt betalt, men hausten har vist at Frp sine to ordførarar i Stord og Bjørnafjorden vel å nyte dei smutthull som ein kan, og får derfor dobbel godtgjering. Diverre vart fleirtalsforslaget frå SV og Raudt om å revisere reglementet i desember avvist at dei andre partia.

### Budsjettet

Det er alltid hektisk å få det første budsjettet på plass etter ein valkamp. Mange politikarar er nye og mange saker har vore forseinka. Også i koalisjonen har det vore behov for å bli kjent og vite kva ein skal ta omsyn til når det

kjem til budsjett. Framlegget frå administrasjonen var i utgangspunktet svært vanskeleg med føreslegne kutt i Sunnhordlandsruta, ferja Kinsarvik-Utne og kutt i busstilbodet i både distrikt og by på fleire tials millionar. Meldinga frå økonomiseksjonen var at samferdslebudsjettet ligg langt frå økonomisk balanse. Ein måtte derfor nytte heile budsjettprosessen til å finne pengar og få med seg heile koalisjonen på å trosse fylkesdirektørens forslag om kraftige kutt, og oppretthalde tilbodet. For Bergen sitt busstilbod, inkluderte det å få fram i lyset at det ligg ubrukta midlar i miljøloftet som ein kan bruke om og planlegge med, i staden for å kutte storstilt. Gruppeleiaren var nok svært tydeleg i sin budsjettale til administrasjonen. Fylkestinget vedtok også eit vesentleg mindre kutt på dei vidaregåande skulane enn fylkesdirektøren foreslo.

Også dette året har vi klart å få litt auke til Robin Hood huset, sikre helsecenter for papirlause, og vidareføre tannhelsetilbodet til papirlause. Vi har også vore med å sikre midlar til Nyskapande aktivitetsanlegg på Olsviksåsen videregående skole.

### Organisatorisk

Det store fokuset i 2023 har vore førebuing til valkamp, gjennomføring av valkamp og forhandlingar og konstituering etter valkamp.

Som følgje av valet har vi fått fleire frikjøpte posisjonar. Marthe Hammer er i praksis frikjøpt på heiltid frå fylkeskommunen, med sine 85% frikjøpt, dette som ein direkte konsekvens av vervet i fylkesutvalet (50%), gruppeleiari (35%). I tillegg har vi denne perioden Åsmund Berthelsen frikjøpt 70% som leiari i utval for opplæring og kompetanse. Ein har derfor i valet gått opp frå ein heiltidsfrikjøpt til to frikjøpte på heiltid.



Figur 4: Fylkesting i Stryn med skulebesøk og med vara Rafael Cobo Garrido

I 2023 har vi fått ny fylkessekretær, Aslak Owren, som fekk ein svært travel vår, sommar og tidlig haust med kommunevalkamp og fylkestingssvalkamp, deretter nytt fylkesting og nye budsjettforhandlingar i ny periode. Vi er svært nøgd med å ha Aslak, og også Sigrid Sandal som organisasjonskonsulent, på laget, og gler oss til vidare samarbeid.

Fylkestingsgruppa har i tillegg i 2023 hatt Natasha Alijeva tilsette som formgjevar i valkampen. Vi set veldig stor pris på den avgjerande innsatsen ho gjorde for å få laga fellesmateriell for fylkestingsgruppa og lokallaga.

## Fylkestingsgruppa i media

Den viktigaste hendinga for fylkestingsgruppa var sjølv sagt valkampen. Det vart nedsatt ei valkampgruppe med mellom anna dei fem første kandidatane med tilhøyrande valkampstrategi. Bodskapet var å vise SV som eit raudt og grønt parti med fokus på fylkeskommunen sine saker. Grønt gjennom klimavennleg samferdsleutbygging, kollektiv, rassikring og nei til motorvegar, nullutslepp og bevaring av natur. Dei raude sakene er rettferdig og lik tilgang til vidaregåande utdanning og fronte tannhelsereforma som ei

viktig sak for folk og som SV kjempar fram. Fylkestingsgruppa forsøker å vere aktiv og synleg i media, både tradisjonelle media, radio, TV og aviser, og i sosial media. Vi forsøker også å stille på demonstrasjonar og arrangement når vi vert invitert, og synleggjere SV i saker som er viktige for folk. Vi har også i året som har gått tatt fleire kaffekoppar med aktuelle personar, utan at det nødvendigvis vert ein post på facebook eller eit medieoppslag, men som er viktig for å få auka kunnskap, breie ut nettverk og få fleire innspel og kontaktar.

Uttrekk frå Retriever ligg som vedlegg til årsmeldinga for dei fem faste representantane, og dette viser eit betydeleg tal presseoppslag i både året som heilskap og valkampen særskild. Denne viser primært medieutspel med utgangspunkt i redaksjonar som har kontor her i Vestland:  
Marthe Hammer: Omtalt i 325 saker.  
Åsmund Berthelsen: Omtalt i 184 saker.  
Marianne Sæhle: Omtalt i 59 saker.  
Alexander Papas: Omtalt i 56 saker.  
Hege Lothe: Omtalt i 135 saker.  
Symphorien Pombe: Omtalt i 26 saker.



Figur 5: Det viktigaste i 2023 var valkampen. Her er bergenskandidatane på fylkestingslista på standsturne i Bergen

*Tabell 1: SV sine representantar i folkevalde organ i Vestland 2023 - 2027*

<b>Fylkestinget:</b>	<b>Utval for samferdsle og mobilitet:</b>
Representant – Marthe Hammer (Bergen)	Representant - Marthe Hammer
Representant – Åsmund Berthelsen (Sunnfjord)	vara – Asle Olsen
Representant – Marianne Sæhle (Bergen)	vara – Gaute Losnegård
Representant – Alexander Papas (Bergen/Stord)	vara – Augusta Moen Opsahl
Representant – Hege Lothe (Gloppen)	
vara – Symphorien Pombe (Øygarden)	
vara – Anne Skaar (Sogndal)	<b>Utval for opplæring og kompetanse:</b>
vara – Asle Olsen (Bjørnafjorden)	Representant – Åsmund Berthelsen (leiar)
vara – Tone Mjelde (Osterøy)	Representant – Marianne Sæhle
vara – Gaute Losnegård (Askvoll)	vara – Rafael Cobo
vara – Mari Svartveit Hansen (Ullensvang)	vara – Hlin-Såga Brosvik Kyrkjeøy
vara – Rafael Cobo Garrido (Askøy)	vara – Åge Rosnes
vara – Hlin-Såga Brosvik Kyrkjeøy (Bergen)	vara – Torunn Olsnes
	<b>Utval for kultur, idrett og inkludering</b>
<b>Fylkesutvalet, finansutvalet, planutvalet, fylkesvalstyret, valnemd:</b>	Representant – Alexander Papas
Representant – Marthe Hammer	vara – Symphorien Pombe
vara – Åsmund Berthelsen	vara – Anne Skaar
vara – Marianne Sæhle	vara – Tone Mjelde
vara – Alexander Papas	
	<b>Utval for næring:</b>
	Representant – Hege Lothe
	vara – Mari Svartveit Hansen
	vara – Steinar Øydvin
	vara – Vivian Midtbø

*Tabell 2: Vestland SV sine representantar i styrer, råd og utval i perioden 2023 - 2027*

<b>Baroniet i Rosendal/Den Weis-Rosenkroneske Stiftelse</b> – Styret: Medlem: Silje Nordtvedt Olsen
<b>Stiftelsen Bymuseet i Bergen</b> - Styret Varamedlem: Marianne Sæhle
<b>Stiftinga Kystkultur no!</b> - Styret Medlem: Symphorien Pombe
<b>Stiftelsen Museum Vest</b> – Styret Medlem: Rafael Cobo
<b>Utsending til KS landsting</b> : Marthe Hammer Vara: Åsmund Berthelsen, Marianne Sæhle, Alexander Papas
<b>Stiftinga Nynorsk Kultursentrum</b> – Rådsmedlem: Medlem: Hege Lothe
<b>Stiftinga Røde Kors United World College</b> – Rådet: Representant: Åsmund Berthelsen (leiar i hovudutval for opplæring og kompetanse)
<b>Landsamanslutninga av nynorskommunar (LNK)</b> – Vara utsending: Alexander Papa
<b>Distriktsprogramrådet for Vestland</b> Medlem: Alexander Papas
<b>Forum Nye Bergensbanen</b> – Arbeidsutvalet Varamedlem: Marthe Hammer

**Samarbeidande kraftfylke** – Utsending til årsmøte: Marthe Hammer

**Vestland vassregion:** Varamedlem: Hege Lothe

**Bybanen AS** – Styret Medlem: Marianne Sæhle

**Intereseseskapet Fjordvegen Rv 13 IKS** – Styret Medlem: Marthe Hammer

**Teater Vestland AS** – Styret Medlem: Hanna Bergljot Oftedal

**NDLA:** Representantskapet Medlem: Åsmund Berthelsen (leiar i hovudutval for opplæring og kompetanse)

**VIGO IKS** Representantskapet Medlem: Åsmund Berthelsen (leiar i hovudutval for opplæring og kompetanse)

**Bergen Kjøtt AS** – Styret Medlem: Marthe Hammer

**Skrivekunstakademiet** – Styret Varamedlem: Hege Lothe

**Grieghallen IKS** Representantskapet Medlem: Marthe Hammer

**Verdsarvrådet for verdsarvstaden Bryggen:** Medlem: Marthe Hammer

**Yrkesopplæringsnemda:** Varamedlem: Hege Lothe

**Ålfotbreen verneområdestyre:** Åsmund Berthelsen kandidat 1

**Jostedalsbreen nasjonalparkstyre:** Styremedlem: Hege Lothe

**Fagskulen i Vestland Styret:** Varamedlem: Hege Lothe

**Trafikktryggingsutvalet:** Medlem: Marthe Hammer

Vara: Asle Olsen, Gaute Losnegård, Augusta Moen Opsahl (same som i utval for samferdsle)

**Administrasjonsutvalet:** Marianne Sæhle

Vara: Åsmund Berthelsen, Marthe Hammer, Alexander Papas

**Rådet for menneske med nedsett funksjonsevne:** 5. Varamedlem: Mari Svartveit Hansen

**Klagenemda:** Nestleiar: Torunn Olsnes

Varamedlemmer: Gaute Losnegard, Tone Mjelde, Asle Olsen

(**Fylkeseldrerådet:** Kjellbjørg Lunde, vald inn for LOP vara: Åge Rosnes)

**Regionalt bustadforum:** Marthe Hammer, leiar (ikkje gjort nyval enno)

*Tabell 3: SV sin representasjon i fylkesting, fylkesutval og utval 2019 – 2023 - justert*

**Fylkestinget:**

Representant – Marthe Hammer (Bergen)

Representant – Åsmund Berthelsen (Sunnfjord)

Representant – Symphorien Pombe (Øygarden)

Representant – Marianne Sæhle (Bergen)

vara – Aud Kari Isane (Sogndal)

vara – Jeffrey Meijer (Bremanger)

vara – Ingrid Rekkavik (Bergen)

vara – Rafael Garrido (Askøy)

**Utval for miljø og samferdsel:**

Representant - Marthe Hammer (nestleiar)

vara – Thor Olav Iversen

vara – Gaute Losnegård

vara – Hege Lothe

**Utval for opplæring og kompetanse:**

Representant – Åsmund Berthelsen (nestleiar)

vara – Jeffrey Meijer

vara – Torunn Olsnes (Bergen)	vara – Torunn Olsnes
vara – Steinar Øydvin (Sogndal)	vara – Birgitte Holmefjord Olsen Skibenes
vara – Anne Britt Sørensen (Bømlo)	
<b>Fylkesutvalet, finansutvalet, planutvalet, fylkesvalstyret, valnemd:</b>	<b>Utval for kultur, idrett og inkludering</b>
Representant – Marthe Hammer	Representant – Symphorien Pombe
vara – Åsmund Berthelsen	vara – Aud Kari Isane
vara – Symphorien Pombe	vara – Rafael Garrido
vara – Marianne Sæhle	vara – Signe Ekeland
	<b>Utval for næring, naturressurs og innovasjon:</b>
	Representant – Marianne Sæhle
	vara – Steinar Øydvin
	vara - Anne Britt Sørensen
	vara – Torbjørn Taranger

*Tabell 4: SV sin representasjon i styrer, råd og utval 2019-2023 – med justering*

- Baroniet i Rosendal/Den Weis-Rosenkroneske Stiftelse** – styret: Medlem: Signe Ekeland
- Stiftelsen Bymuseet i Bergen** - styret Medlem: Gina Barstad
- Stiftinga Kystkultur no!** - Styret Medlem: Symphorien Pombe
- Stiftelsen Museum Vest** – styret Medlem: Aud Karin Oen
- Stiftinga Norsk Country-treff** – styret: Personleg varamedlem: Marianne Sæhle
- Stiftinga Nynorsk Kultursentrums** – rådsmedlem: Medlem: Hege Lothe
- Stiftinga Røde Kors United World College** – rådet: Vararepresentant: Åsmund Berthelsen (nestleiar i hovudutval for opplæring og kompetanse)
- Stiftinga Vestnorsk Jazzsenter** – styret: Kandidat 3: Jeffrey Meijer
- Distriktsprogramrådet for Vestland** Varamedlem: Aud Kari Isane
- Forum Nye Bergensbanen** – Arbeidsutvalet Varamedlem: Marthe Hammer (nestleiar i hovudutval for samferdsel og mobilitet)
- Kristoffer Lehmkuhls Fond til fremme for Norsk Næringsliv** Varamedlem: Marianne Sæhle
- Rallarvegrådet** Medlem: Marthe Hammer
- Beredt AS** – styret Varamedlem: Rafael Cobo
- Bybanen AS** – styret Medlem: Marianne Sæhle
- Carte Blanche AS** – styret Varamedlem 3: Marthe Hammer
- Teater Vestland AS** (Sogn og Fjordane Teater) – styret Varamedlem 1: Hanna Bergljot Oftedal
- Trivselshagen IKS** Personleg varamedlem: Åsmund Berthelsen
- VIGO IKS** Representantskapet Personleg varamedlem: Åsmund Berthelsen (Nestleiar i hovudutval for opplæring og kompetanse)
- Grieghallen IKS** Representantskapet Medlem: Marthe Hammer
- Verdsarvrådet for verdsarvstaden Bryggen**: Varamedlem: Marthe Hammer

**Yrkesopplæringsnemda:** Varamedlem: Åsmund Berthelsen

**Etikkutvalet i Vestland fylkeskommune** Medlem: Symphorien Pombe

**KODE Kunstmuseer og komponisthjem** Varamedlem: Symphorien Pombe

**Ålfotbreen verneområdestyre:** Åsmund Berthelsen

**Nasjonal rassikringsgruppe** Vararepresentant: Marthe Hammer

**Nordsjøkommisjonen - Tematiske grupper** Klima og energi Vara: Soukaina Legdani

**Klima- og miljøpris 2020 - Innstillingsnemnd** Leiar: Marthe Hammer

**Fagskulen i Vestland:** Varamedlem: Marianne Sæhle

**Trafikktryggingsutvalet:** Nestleiar: Marthe Hammer

**Administrasjonsutvalet:** Åsmund Berthelsen

**Utsending til KS landsting:** Åsmund Berthelsen

**Klagenemda:** Torunn Olsnes, Nestleiar

(**Fylkeseldrerådet:** Kjellbjørg Lunde, vald inn for LOP)

**Vestlandsrådet:** 2.vara Marthe Hammer

**Regionalt bustadforum:** Marthe Hammer, leiar